

黃鎡智*

總統令

中華民國98年8月18日

華總二榮字第09800206553號

內政部空中勤務總隊空勤機工長黃鎡智，賦性貞毅，修持篤行。少歲矢志從軍報國，任職陸航飛修大隊，周密嚴謹，技藝超群。嗣解甲獻力空中救援，歷預諸項重大災變，勞瘁罔辭，迭膺重寄。詎料莫拉克颱風來襲，奉派襄助屏東災區，協尋輸送倒懸捱命同胞，往返運補民生物資勤務，蹈危履險，匡濟艱虞。惟迺天候不佳，心繫災黎，毅然出勤救護，慷慨捨身殉職，凌雲高義，澤惠南臺；冠道體仁，楷範馨垂。應予明令褒揚，用示忠藎，以彰令績。

總統 馬英九

行政院院長 劉兆玄

* 編者按：黃鎡智先生卒於民國98年8月11日。